



## Universitätsbibliothek Paderborn

**Illustrissimi Domini Simonis De Fierlant, Hispaniarum Ac  
Indiarum Catholico Regi, In Hispania Ac Belgio, A Concilio  
Status, Brabantiae Cancellarii, Catholico Ab Affectu  
Tractatus, Quo, Clarissime ...**

**Fierlant, Simon de**

**Coloniæ Agrippinæ**

§. 2. Quid de hoc Sigillo sentiat Macarius.

**urn:nbn:de:hbz:466:1-37059**

**H**Æc satis sint de D. Vander Vliet & infasta ejus Thesi, cā potissimum occasione relata, ut intelligent omnes, quām non impune, nec sine Romana Censura in hac cuniculi parte laborare liceat: & primum quidem ligonem in ea Thesi fixerat Seminarii Archiēpiscopalis Professor, mox plures habiturus socios, & in eodem secum cuniculo fossores, nisi primis bene conatibus Roma, & eodem ipso anno restitisset; & providè; intelligebat enim Roma nec brevius posse, nec periculosius, quām hāc parte, Sacramentum Pœnitentiæ expugnari.

§. 2.

**QVID DE HOC SIGILLO**  
sentiat Macarius.

**E**xaminandus hīc nobis venit R. D. Havermans, de quo id quidem certum est, non tam profundè eum ligonem agere, quam §. præcedenti Archiēpiscopalis Professor foderit; sed neque id dubium est, otiosum eum prorsus non esse; & suspectum meritò est, quod habet in examine pag. 279. boni tamen Confessarii, quique amat salutem pœnitentis, est aliquando inquirere extrā Confessionem de vita & moribus sui pœnitentis, idque sine Sigilli fractione fieri posse, omnino indubitatum est; & secundum illam notitiam dirigere sese potest in Confessione, prout scio à piis & doctis Confessariis

riis

## ET INFELIX CONCORDIA. 253

riis practicari . . . . ubi enim ex domesticorum , vel aliorum fide dignorum testimonio sciret Confessarius pœnitentem adhuc in eadem cecidisse vitia , credere non deberet pœnitenti contrarium afferenti : quid autem ? curiosa illa & sollicita in vitam & mores alienos apud Domesticos inquisitio , ab eo facta , qui Confessarius ejus esse , & proxim inquisitionis hujusmodi suis in libris operosè inculcare scitur ; nihil putemus periculi continere , ne cuiusdam criminis suspicio apud illos ipsos domesticos suboriatur ? nec ita hi secum cogitent : hæc à me de eo , & illa quæsivit , & Confessarius ejus est , de quo quærebat , nec solebat in hanc saltem , & illam materiam inquirere : & hæc dum cogitant , ut sumus naturâ creduli , præsertim in malum , & temerariis facile abripimur judiciis , non pronum erit sinisterius quidquam de ipso pœnitente opinari ? certè , utcumque id sine Sigilli fractione fieri posse omnino indubitatum putet Macarius , rem ego dico non levi periculo obnoxiam , quæm enim facile in inquisitione illa Confessario non satis advertenti vox excidat aliqua , ferax deinde multarum suspicionum materia ; ut ut est , nemo quisquam à revelatione plus distat , quæm qui omnino tacet , nec vulgaris prudentia est , ita examen illud suis aptè verbis temperare , ut nihilò plus domesticorum ulli suspicionis abiaturus relinquat , quæm primùm adveniens invenerat .

Brevius loquitur & planius , pag. 176. certè antiqui Patres & Theologi non ita quoad Confessionis Sigillum scrupulosè erant , ac nunc sunt Casuistæ . Sanè dictum illud Macaria-

Li 3

num

num Archiēpiscopale Seminariū redolet , nec multū  
abludit ab eo pertinente D.Vander Vliet non est improbabile,  
quod olim in quibusdam casibꝫ licuerit uti scientiā ex confessio-  
ne acquisitā , in quibus modo non liceret. Quod pertinens  
non est quidem censoriā virgā notatum , sed tamen ad eam  
Thesim pertinet , quæ , cum ipsa omnino prohibita sit , &  
proscripta , non potest non aliquid labis iis adspergere om-  
nibus , quæ ad ſc pertinent. Quid ergo ait ? certè antiqui  
Patres & Theologi non ita quoad Confessionis Sigillum scrupu-  
loſi erant , ac nunc ſunt Caſuiftæ. Quis porro id ait ? is , qui  
præfentem , ut vidimus , Ecclesiæ praxim nauſabundus  
fastidit ; is , qui modernam Ecclesiam in administratione  
Sacramenti pœnitentiæ degeneraſſe ſcribit ; is , qui unam  
antiquioris Ecclesiæ praxim ſuſpirat , eam laudabilem  
dicit , & ad primum priſtinumque vigorem revocari in  
Ecclesia hiſce temporibus , & reſtitui vult , is denique ,  
qui , quidquid in fide & moribꝫ labefactatum eſt , id omne  
recentioribus Theologis & Caſuiftis acceptum refert , is  
nimium ſcrupulosos Caſuiftas dicit quoad Sigillum Con-  
fessionis ; quid autem ? nimium ſcrupulosos ? & hoc de  
Caſuiftis ? quos laxones paſſim vocat , quos laxiſſimiſ  
laxitatibus perdere omnia , & corrumpere , & laxo om-  
nia definire ore , & laxis ampliare manibus credere nos  
vult. Mira profectō loquitur , non ſolent cum laxitate  
ſcrupuli componi. Jam verò quid nunc docent ſcrupulosi iſti  
Caſuiftæ quoad Sigillum , ut intelligamus quid hac in mate-  
ria

ria Macarius vocet esse scrupulosum. Docent *cavendum OMNINO, ne verbo aut signo, aut ALIO QUOVIS MODO, ALIQUATENUS prodat peccatorem.* Et hoc tu scrupulum vocas? scrupulosus ergo est Canon Concilii Lateranensis sub Innocentio III. scrupulosum est caput: *omnis utriusque sexus, quod ex eo Canone desumptum est, & ex quo hoc suum dogma describunt Casuistæ illi scrupulosi.* Docent *monendos esse fidèles, quoniam nemo est, qui non vehementer cupiat, scelerā & turpitudinem suam occultari, nihil esse, quod timeant, ne ea, quæ ipsi Confessione pateficerint, à Sacerdote ulli umquam indicentur, neve ALIQUOD ex ea PERICULI (adeoque & gravaminis) GENUS sibi ULLO TEMPORE creari possit.* Et hoc tu scrupulum vocas? scrupulosus ergo est Catechismus Romanus, ex cuius parte 2. cap. 5. hoc item suum dogma fideliter descripsérunt scrupulosi isti Casuistæ. Docent denique contra Archiépiscopalem Professorem, non esse licitum uti scientiâ ex Confessione acquisitâ cum gravamine pænitentis, & multò minus cum directa aut indirecta revelatione, etiam eo casu, quo aliud multo gravius ex non usu sequatur, in cuius comparatione prius meritò contemnatur: & hoc tu scrupulum voces? cave feceris; ne ipsam Sacram & universalem Romanam Inquisitionem scrupulosam facias: tu tamen tibi constas & confidenter loqueris; certè antiqui Patres & Theologi non ita quoad Confessionis Sigillum SCRUPULOSI erant, ac nunc sunt Casuistæ. Ignosce, Macari, soridior es, quam initio putaram, & huic tam exitiali cuniculo

culo fodiendo cum Professore Mechliniensis operosius instas, quam primâ fronte videbare: scrupulosi nunc sunt Casuistæ quoad Sigillum, hoc est nimis in eo coarctando rigidi. Quid ita? nullo umquam casu Confessionalis scientiæ usum licitum esse mordicūs tenent; hic est eorum scrupulus, hic, ut cæteri quidem scrupuli, eximendus est. Vult ergo Macarius Casuistas modernos paululum hac in re laxiores: ita est; amplioris erant pectoris antiqui Patres, & Theologi, nec ita quoad Confessionis Sigillum scrupulosi, ac nunc sunt Casuistæ. Ita quidem Macarius; sed cælo sit superisque gratia, hoc nostrum modernæ Ecclesiæ ævum non prorsus destituit bonus Deus; inventus est tot inter scrupulosos Casuista unus, qui scrupulosus ipse non esset, sed cum antiquis Theologis & Patribus ampli vir pectoris Franciscus Vander Vliet: sed enim cum ample suo ille pectori in Censuram Romanam turpiter incidit: & ego, Casuista si essem, Macario scupulosus malim, quam Inquisitioni Romanæ nimium laxus videri.

## §. 3.

### EXAMINATUR GUMMARI de Sigillo Doctrina.

**N**Oli metuere, Gummare, ab incunte ætate civilibus causis assuetus, unam justitiæ, æquitatisque rationem propositam mihi semper habui; examinatum te venio non con-